

2025-mi ukiuunerani piniarnermut atatillugu nunaannarmi motorilinnik angallannissamut immikkut akuersissut

Journalnr. 00.49

Tunuliaqutaq

Tuttunniarnermut umimmanniarnermullu 2025-mi ukiuunerani piniarnermut Piniarnermut piffissat pisassallu Aalisarnermut Piniarnermullu Naalackersuisoqarfiup 30.12.2024-mi tamanut saqquimussinermini aqutsiveqarfik Sisimiuni aasaanerani ukiaanerani piniarnermi umimmaat pisarinngitsuukkat 2025-mi ukiuunerani piniarnermut ilanngutsippai.

- Aqutsiveqarfik Maniitsoq: Piniarfik 1-imi qimussinut aamma motooreqanngitsunik assartuutunik allanik atuinertaqanngitsumut killilimmik inuussutissarsiutigalugu sunngiffimmilu piniarnermut 2025-mi ukiuunerani umimmanniarneq 2025-mi februaarip 15-ianni aallartinneqassaaq aammalu 28. februaari ilanngullugu sapaatit akunnerini marlunni ingerlassalluni. Piniarfik 1-mi 50-nik umimmattassiisoqarpoq.
- Aqutsiveqarfik Maniitsoq: Piniarfik 3-mi piniarfimmiit piniarfimmullu motorilinnik assartuussisinnatitaanertalik inuussutissarsiutigalugu piniartunut ukiuunerani piniarneq killiligaasoq 1. februaari aallartissaaq aammalu 14. februaari ilanngullugu sapaatit akunnerini marlunni ingerlassalluni. Piniarfik 3-mi 200-nik umimmattassiisoqarpoq. Piniarfik 2-mi piniarfik 4-milu ukiuunerani piniartoqassanngilaq.
- Aqutsiveqarfik Sisimiut: 1. februaarimiit 14. februaarip tungaanut umimmannik 2025-mi ukiuunerani killilimmik piniarneq. Aqutsiveqarfik Sisimiuni pisassiissutit 100-pput.

Kisianni sunngiffimmi piniartunut aqutsiveqarfik Sisimiuni ukiuunerani umimmannik piniarnermi angallassinissamik ileqqoreqqusamik periarfissiisumik peqartoqanngimmat, aqutsiveqarfik Sisimiuni ukiuunerani piniarnermut siusinnerusukkat akuersissutaasartut allaffeqarfiup atornikuuai, taamaalilluni siusinnerusukkat Piniarnermik nakkutilliisumik ataqatigiissarneqarnikuusutut 2025-mi ukiuunerani piniarnermut angallassinissutit motorillit atorneqarsinnaalerlutik. Soorlu Aalisarnermut Piniarnermullu Naalackersuisoqarfiup quppernermini imm. 7-mi https://naalackersuisut.gl/Nyheder/2024/12/3012_Kvoter-og-Fangstperioder?sc_lang=da tamanut saqqummiukkaat.

Nalunaarutit.gl-imi saqqummiunneqartutut Qeqqata Kommunian 2025-mi januaarip 18-ianni atuutilersussamik angallannermut ileqqoreqqusamik nutaamik peqalerneratigut aqutsiveqarfik Sisimiuni qamutit motorillit (qamuteralaat/atv il.il.) ingerlasarsinnaanerat periarfissaqalerpoq, kisianni immikkoortup ilangaatsiaa umimmaqarfiunerpaajusoq inuussutissarsiutigalugu siunertalinnut tassalu Eqalugaarniarfimmiit Nassuttuumut taamaallaat immikkoortitaavoq.

Maleruagassatigut tunngavissaq

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq. Assartuutit motorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersoq.

Eqqissisimatitsisarneq aamma allatigut kulturikkut eriajisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq

Namminersorlutik Oqartussat nalunaarutaat nr. 1, ulloq 30. januar 2018-imeersoq, kulturikkut eriagisassat allat pillugit sumiiffimmik Kalaallit Nunaata kitaani Aasivissuit - Nipisallu eqqaanni Kulturikkut kingornussat sumiiffinni kulturikkut oqaluttuarisaanermut tunngasut inissisimaffigisaanni ingerlatat sunniutaasa nalilersorneqartarnerat pillugu Namminersorlutik Oqartussat nalunaarutaat nr 38, 1. oktober 2020-meersoq.

Pissutsit atuuttut

Sisimiuni Umimmaqarfimmi Tasersuup avannaatungaani qamutit motoorillit atorlugit angalanissaq Qeqqata Kommuniiani qamutit motoorilinnik angallannermut ileqqoreqqusami nutaami ilanngunneqarnikuunngilaq, taamaattumik tassunga immikkut akuersissuteqartoqarnissaa pisariaqartinneqarpoq.

ATV-inut aqqutikkut piniarfissatut immikkoortitap tungaanut UNESCO-qarfik aqqusaarlugu Tasersuarmut angallannissamut aqqusinissaq pillugu siunnersuuteqarpoq. Piniarfiup assartuussinermullu aqqutip ilaa nunarsuarmioqatigiinnut kingornussassaqarfiup Aasivissuit - Nipisat iluanniimmat, Aasivissuarni Immikkoortut pingaarutilittut ilisarnaasiisoqarnikuuvoq, tassani ATV/Qamuteralaat atorlugit angallattoqaqqusaanani - kisianni Aasivissuit tasiat aqqusaarlugu piniarfik 5-imut majuartoqarsinnaalluni (takuuk nunap assinga ilanngussaq).

Atuilluartuunissakkut kingunerisinnaasai

Nujuartanik ingerlatsineq atuilluartoq ima piunasaqarpoq, Sisimiut Kangerlussuullu akornanni umimmaat amerligaluttuinnartut umimmannik piniarnermut pisassanik amerliartortunik malitseqartariaqaralarpoq. Illuatungaatigut Tasersuup avannaatungaani immikkoortumut qamuteralaat ATV-illu amerlasuut qanorsuaq appakaassinnaanissaat atuilluartuunerunngilaq immikkoortumilu tuttnik umimmannillu akornusersuutaassalluni, aammali pinngortitamut sunnertiasumut aserorsataassalluni, tassani apinera naammangippat qamutirik motoorilinnik angallanneq ersarissunik illinernik qimatsiviullunilu naasoqassutsimut aseruissaaq.

Allaffeqarfiup naliliinera

Allaffeqarfiup paasinninnerivaa, Sisimiut aqutsiveqarfiani inuussutissarsiutigalugu piniartunut sunngiffimmilu piniartunut ukiuunerani piniarnermut qamutirik motoorilinnik angallannermut immikkut akuersissutaagallartunik tunniussineq pingaaruteqartoq.

Allaffeqarfiup nalilerpaa, inuussutissarsiutigalugu aamma sunngiffimmi piniartunut Sisimiuni Umimmaqarfimmi Tasersuup avannaatungaani piniarfissatut immikkoortinneqartumi qamutirik motoorilinnut angallannissamut immikkut akuersissuteqartoqartariaqartoq, piniarfimmullu tassunga UNESCO-qarfik aqqusaarlugu qamutirik motoorilinnik angallaffissanik immikkut akuersissuteqartoqarluni.

Allaffeqarfiup nalilerpaa, Sisimiuni Umimmaqarfimmi Tasersuup avannaatungaani piniarfimmi inuussutissarsiutigalugu sunngiffimmilu piniartut pisassinneqartut qamutirik motoorilinnik angalaffiusinnaasumi, ilutigitillugu pisassanik tunniussinermi angallannermi aqqutissat pillugit nunap assinginik tunineqassasut, taakkulu malitsinnissaannik ilitersorneqarlutik. Ilutigalugu pingaaruteqarpoq, piniarfimmi kikkut pisassinneqarsimanersut pillugit piniarnermut nakkutilliisut park ranger-ilu paasissutissanik nutartikkanik peqarnissaat.

Innersuussut

Borgmesterimit akuereqqullugu allaffeqarfiup innersuussutigaa,

2025-mi januaarip qulinganni borgmesterip aalajangiinera

- Aqutsiveqarfik Sisimiuni Tasersuup avannaatungaani piniarfik 5-imi inuussutissarsiutigalugu piniartunut sunngiffimmilu piniartunut pisassalinnut 2025-mi 1. februaarimiit 14. februaarip tungaanut piniarfimmi motorilinnik angallassissutinik atuisinnaanermut immikkut akuersissuteqartoqassasoq.

Borgmesterip aalajangiinera

Kommunalbestyrelsi sinnerlugu Borgmesteri aalajangiivoq, allaffeqarfiup innersuussutaa akuersissutigalugu.

Kommunalbestyrelsi tullissaanik ataatsimiileruni, aalajangiineq pillugu paasissutissiiffigineqassaaq.

Malik Berthelsen
Borgmesteri
13. januaari 2025

Ilanngussaq

1. Qeqqata Kommuniani nunaannarmi qamutit motorillit angallassissutiginnissaat pillugu ileqqoreqqusaq.
2. Nunap assingi ilanngussat 3 aamma 4 - Sisimiut aqutsiveqarfiani motorilinnik ingerlanissamut immikkut akuersissut Aqutsiveqarfik Sisimiut
3. Ukiuunerani 2025-mi tuttut umimmaallu pillugit aalajangiineq pillugu Aalisarnermut Piniarnermut Naalakkersuisoqarfiup allagaa